



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU NEZAVISNE LISTE

Broj: 03-07-6-351/18  
Sarajevo, 22.07.2019. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	4
Cilj pregleda i kontrole .....	4
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI .....	5
5.2. PREPORUKE .....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Nezavisne liste za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom finansijskog izvještaja za 2017. godine, utvrđeno je da je Nezavisna lista prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Nezavisne liste za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Nezavisna lista se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	24,00	0,50
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	3.800,00	78,77
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>3.824,00</b>	<b>79,27</b>
<b>II</b>	<b>Ostali prihodi i drugo</b>	1.000,00	20,73
	<b>Izvori finansiranja (I+II)</b>	<b>4.824,00</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 6.292,00 KM.

## 2. PREDSTAVLJANJE POLITIČKE STRANKE

Naziv političke stranke je Nezavisna lista. Skraćeni nazivi stranke je NL.

Nezavisna lista registrovana je kod Općinskog suda u Travniku, rješenjem broj: 051-0-F1-16-000002 od 17.05.2016. godine.

Sjedište političke stranke je u Bugojnu, ulica Kulina bana 1/411.

Lice ovlašteno za zastupanje stranke je Samir Šečić, predsjednik stranke.

Lice ovlašteno za podnošenje finansijskih izvještaja za 2017. godinu je Samir Šečić.

Prema podacima iz godišnjeg finansijskog izvještaja za 2017. godinu, Nezavisna lista nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Nezavisne liste za 2017. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Nezavisne liste obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je izvršila pregled i kontrolu godišnjeg finansijskog izvještaja Nezavisne liste za 2016. godinu, nakon čega je izdat izvještaj o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2016. godinu, izdat je izvještaj o pregledu sa mišljenjem revizora, nalazima revizije i preporukama stranci da vodi adekvatne evidencije o svojim rashodima i obavezama, odnosno da poslovne knjige vodi u skladu sa računovodstvenim propisima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da finansijske izvještaje podnosi u skladu sa odredbama Zakona o finansiranju političkih stranaka i odredbama člana 15.1 stav (1) Izbornog zakona Bosne i Hercegovine.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2017. godinu, utvrđeno je da stranka nije ispoštovala ranije date preporuke revizije.

#### **5. NALAZI I PREPORUKE**

##### **5.1. NALAZI**

#### **Nezavisna lista prekršila je odredbe člana 11. stav (1), člana 12. stav (1) i stav (4) Zakona o finansiranju političkih stranaka.**

Pregledom godišnjeg finansijskog izvještaja i raspoložive finansijske dokumentacije, utvrđeno je da Nezavisna lista nije uspostavila potpune evidencije o svojim prihodima i rashodima, i obrasce finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.

- Stranka je u finansijskom izvještaju i u poslovnim knjigama povrat takse za Lokalne izbore 2016. godine u iznosu od 1.000,00 KM, iskazala kao ostale prihode. Kontrolom prometa izvoda transakcionog računa broj: 3384002241270717 utvrđena je uplata od Ministarstva finansija i trezora BiH u iznosu od 1.000,00 KM.

Kako se radi o povratu takse za ovjeru učešća na Lokalnim izborima 2016. godine, koji ne predstavlja bilo koju vrstu prihoda, stranka je za pomenuti iznos više iskazala svoje ukupne prihode na obrascu 3 (izvori finansiranja), čime je prekršila odredbe člana 12. stav (1) Zakona o finansiranju političkih stranaka i člana 13. Pravilnika.

- Stranka je u godišnjem finansijskom izvještaju iskazala troškove zakupa koji su ostvareni tokom 2016. godine u iznosu od 2.400,00 KM, čime je prekršila odredbe člana 21. i člana 22. Pravilnika.

Uvidom u Ugovor o zakupu utvrđeno je da je stranka dana 17.05.2016. godine zaključila ugovor o zakupu poslovnog prostora sa fizičkim licem na neodređeno vrijeme, a koji počinje teći od maja 2016. godine.

S obzirom da mjesečni zakup iznosi 300,00 KM, stranka je imala obavezu evidentirati u svojim poslovnim knjigama troškove zakupa u iznosu od 2.400,00 KM i iste iskazati u obrascu 4.1 (Režijsko-administrativni i ostali troškovi) godišnjeg finansijskog izvještaja za 2016. godinu.

Kontrolom prometa izvoda transakcionog računa stranke za 2017. godinu, utvrđeno je da su ti troškovi zakupa nastali za 8 mjeseci 2016. godine, plaćeni u 2017. godini u iznosu od 2.400,00 KM i isti evidentirani u poslovnim knjigama i finansijskom izvještaju za 2017. godinu.

Stranka je troškove zakupa na obrascu 4.1 (režijsko-administrativni i ostali troškovi) iskazala u iznosu od 6.000,00 KM, iako su isti iznosili 3.600,00 KM, čime je troškove zakupa, odnosno ukupne rashode iskazala je u većem iznosu za 2.400,00 KM u odnosu na ostvarene.

## **5.2. PREPORUKE**

*Preporučuje se Nezavisnoj listi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi potpune i tačne evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne popunjava u skladu sa odredbama Pravilnika o godišnjim finansijskim izvještajima političkih stranaka.*

## **KOMENTAR**

U ostavljenom roku, Nezavisna lista nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić